



## bu weeru koor ñëwée na nga dem umra ji ndax umra day yemoo ak aj

Jële na ñu ci Ibn Abbaas-yal na leen Yàlla dollee gérém-mu wax ne: Yonnente bi-yal na ko Yàlla dolli xéewal ak mucc- dafa wax jenn jigéen ju bokk ci Ansaar yi Ibn Abbaas tudd na ko waaye maa fàtte turam:"lan moo la tere nga ànd ak nun aji?" Mu ne ko: amunu lu dul ñaari giléem baayu doomam ak doomam ja aji ca genn giléem ga bàyyeel nu genn giléem te ci lañuy wute ji ndox, mu ne ko:"bu weeru koor ñëwée na nga dem umra ji ndax umra day yemoo ak aj".

[Wér na] [Al-buxaariy ak Muslim dëppoo nañu ci génnee ko ci seen ñaari téere yi gën a wér]

Bi Yonnente bi jogée ca ajug tàggatoo ga,dafa wax jenn jigéen ju bokk ci waa Ansaar lu tax ajiwóo:lan moo la teree ànd ak nun aji? Ndaw sa daaldi joxe ngànt ci ne ñaari giléem lañu am, jëkkéram ak doomam aji ca genn giléem ga, bàyyi fa genn gi ngir ñu ciy rooti ndox ca teen ba. Yonnente bi -yal na ko Yàlla dolli xéewal ak mucc- xibaare ko ne umra ci weeru koor payam day yemoo ag aj.

<https://sunnah.global/hadeeth/wo/show/2753>

